

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0062209 25
Zenica, 23.09.2025. godine**

**OPĆINSKOM SUDU U VISOKOM
-Sudiji za prethodno saslušanje-
VISOKO**

Na osnovu člana 45. stav 2. tačke i) u vezi sa članom 241. stav 1. Zakona o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/03, 37/03 ... 74/20, u daljem tekstu "ZKP F BiH"), podižem

O P T U Ž N I C U

Protiv:

M. Š. zv. „M.“, osuđivan (presudom Općinskog suda u ..., broj: ... od 07.02.2025. godine zbog počinjenog krivičnog djela Posjedovanje i omogućavanje uživanja opojnih droga iz člana 239. stav 3. KZ F BiH - uslovna osuda), ne vodi se postupak za drugo krivično djelo,

što je:

dana 22.01.2025. godine, oko 22,50 sati u Visokom, suprotno odredbama člana 4. stav 1. u vezi sa članom 19. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako je znao da je posjedovanje opojne droge zakonom zabranjeno, to je i htio, pa je neovlašteno posjedovao jednu PVC bočicu sa žutim čepom sa sadržajem biljne materije, neto mase 2,033 grama, za koju materiju je vještačenjem utvrđeno da sadrži psihotropnu tvar tetrahidrokanabinol (THC) te predstavlja opojnu drogu konoplja – „*Cannabis sativa L*“ koje tvari, odnosno opojna droga se, kao takve, nalaze na listi opojnih droga¹ i to u Tabeli I (Zabranjene tvari i biljke) pod rednim brojem 26. Popisa psihotropnih tvari, odnosno rednim brojem 13. Popisa opojnih droga, a koju opojnu drogu je predao policijskim službenicima Policijske stanice Visoko prilikom kontrole vozila marke „...“, reg. oznaka „...“, kojim je upravljao u mjestu ... u Visokom,

dakle, neovlašteno posjedovao opojnu drogu,

čime bi učinio krivično djelo Posjedovanje i omogućavanje uživanja opojnih droga iz člana 239. stav 3. Krivičnog zakona Federacije Bosne i Hercegovine (Službene novine Federacije Bosne i Hercegovine broj 36/03, ..., 58/25, u daljem tekstu "KZ F BiH").

Radi toga, donosim

¹ Lista opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“ broj: 8/06, 103/08 i 51/11).

PRIJEDLOG
dokaza koje treba izvesti

Tužilaštvo predlaže da se osumnjičenom M. Š., na osnovu odredbe člana 239. stav 4. KZ FBiH **izrekene mjera sigurnosti oduzimanja predmeta** i to opojne droge konoplja – „*Cannabis sativa L*“ neto mase **1,994 grama koja je preostala** nakon izvršenog uzorkovanja radi vještačenja od ukupno privremeno oduzete opojne droge od osumnjičenog.